



# Parke naturala: non eta zertarako

## Gai honekin zerikusia duten arloak

- INGURUNE NATURAL ETA SOZIALAREN EZAGUERA.

## HELBURUAK

- Gune babestuak izendatzeko egon diren eta egon daitezkeen arrazoiak azaltzea.
- Nork bere iritzia gainerakoei azaldu eta eztabaida piztea.

## MATERIALAK

- ◆ Leku baten argazkia edo marrazkia sei laukitan zatiturik agertzen duen fitxa bat.

*Hauexek izan dira parke naturalak izendatzeko irizpideak: alde batetik, paisaia ederra eta berezia izatea eta, bestetik, giza ekintzak gutxi aldarazitako lurraldeak izatea. Dena den, giza jarduerak ingurugirotik bereizi ezinezkoak dira.*

|   |   |   |
|---|---|---|
| A | B | C |
| D | E | F |

Interesgarria litzateke ikasleek parke natural bateko natur ingurunearen eta jarduera ekonomikoaren arteko erlazioaz dituzten ideien berri izatea. Horretarako, honelako galderak egin ditzakegu:

- Zer da parke naturala? Bertan, zer-nolako gauzak egiten direla uste duzu?
- Begiratu goiko argazkiari. Zure ustez, zer alde izendatu beharko litzateke parke natural? Zergatik? Zer-nolako ondorioak ekarriko litzokie

izendapen horrek inguru horretan bizi den jendeari?

- Aitzitik, zer alde ez litzateke, zure iritziz, sekula parke natural izendatuko? Zergatik?

Ondoren, **biotopo**, **biosfera**, **erreserba**, **parke natural** eta beste zenbait kontzepturen berezitasun eta ezaugarriak ezagutzeko eztabaidari ekin ahal izango diogu.